

Անապատի կամ Նոր Վարազավանքի վանական համալիրը Հայաստանի զարգացած ավատատիրության դարաշրջանի մեծարժեք հուշարձաններից է: Այն գտնվում է ՀՍՍՀ Շամշադինի շրջանի Վարազավան գյուղից 3,5 կմ հարավ-արևմուտք ընկած արևելահայաց սարալանջի անտառապատ բացատում: Այս ուշագրավ ճարտարապետական համալիրը ժամանակին Վահրամյանների հղոր իշխանության հոգևոր կենտրոնն էր: Վահրամյանների վասալներն էին վանքախմբի կառուցողները՝ Նոր Բերդի Կյուրիկյան իշխաններ Դավիթ Բ-ն և նրա որդի Վասակը¹: Կյուրիկյանների ավատական հարստության այս վերջին ներկայացուցիչների և նրանց գեղաշեն ձևակերտի մասին արժեքավոր տեղեկություններ են հաղորդում Կիրակոս Գանձակեցին² և Վարդան Արևելացին³, Նախքան վանքախմբի հիմնադրվելը այստեղի ժամանակագրության, պատմական անձերի ու իրադարձությունների մասին գրավոր աղբյուրներ չեն պահպանվել: Սակայն, էլենլով մի շարք փաստացի նյութերից, կարելի է ենթադրել, որ հուշարձանախմբի ստեղծվելուց առաջ այստեղ բնակատեղի է եղել Այս եզրակացությունն օգտին են խոսում համալիրից հարավ գտնվող ձորի հյուսիս-սային լանջին ընկած հնաժող (հավանաբար IX դ.) խաչքարը, ինչպես նաև՝ գլխավոր եկեղեցու (XIII դ.) արևելյան երկրորդ հարկի ավանդատների առաստաղներում ագուցված խոշոր, հնատես և պարզ (հավանաբար X դ.) խաչքարերը: Մինչև վերջերս հուշարձանների պատերին և դրանց շրջակայքում գտնվող խաչքարերի վրա պահպանված հնագույն արձանադրությունը համարվում էր 1198 թ. վիճաբերը, որն ավետում է համալիրի առաջին կառույցի շինարարության ավարտը: Սակայն մեծ գավթի փատակներից ի հայտ եկած խաչքարի բեկորի (ԼԹ ՈՒ ԵՍ 3Վ ԿԱ ՆԳ[Ն]ԵՅԻ Խ[Ա.Զ]Ս Ի...Ե... ՄՆՈՂԱՅ ԻՄՈ) թվակրի արձանագրությունը հնարավորություն ընձեռեց այդ թվականը հավաստիորեն ետ տանելու 40 տարով: Ուրեմն, դեռևս XII դ. կեսերին վանքի տեղում բնակատեղի է եղել: Համալիրի Անապատ անվան վերափոխումը Նոր Վարազավանքի կապված է մոնղոլական հրոսակների ներխուժումների հետ, որոնց հետևանքով Վասպուրականի ավերված Վարազա վանքի վանահայր Դուկասը այնտեղ պահվող համբավավոր ս. Նշանը (խաչը) տեղափոխում և 1231 թ. հաստատում է այստեղ: Ի հիշատակ ավերված վանքի, Անապատը վերանվանվում է Նոր Վարազավանք:

Խնդրո առարկա հուշարձանախմբին անդրադարձել են տարբեր հեղինակներ: Անցյալ դարում նրա մասին հակիրճ տեղեկություններ են թողել Ս. Զալալյանցը⁴, Հ. Շահխաթունյանցը⁵, Մ. Փափազյանցը⁶ և Մ. Բարխուտարյան-

1 Ա. Ի. Շահահաջարյան, Վահրամյանների իշխանությունը մոնղոլների հետախուղական արշավանքի և Զալալ էդ-Դինի նվաճումների ժամանակ (ՀՍՍՀ ԳԱ «Լուրեր», 1980, № 6, էջ 50, 52):

2 Կիրակոս Գանձակեցի, Պատմություն Հայոց, Երևան, 1961, էջ 153:

3 Վարդան Վարդապետ, Հավաքումն պատմության, Վենետիկ, 1862, էջ 153—155:

4 Ս. Զալալյանց, Ժանապարհորդություն մեծն Հայաստան, մասն Ա, Թիֆլիս, 1842, էջ 159:

5 Հովհաննես Շահխաթունյանց, Ստորագրություն Կաթողիկե էքմիածնի, էջ-միածին, 1848, էջ 368—370:

6 Մ. Փափազյանց, Հնությունը հայրենյաց, գ. 1, Վաղարշապատ, 1889:

յր⁷: Հետագայում վանքախմբին ուղղակի կամ անուղղակի անդրադարձել են Կ. Կոստանյանցը⁸, Հ. Ակինյանը⁹, Կ. Ղաֆադարյանը¹⁰, Հ. Աճառյանը¹¹, Հ. Ոսկյանը¹², Հ. Խալփախյանը¹³, Ս. Բարխուդարյանը¹⁴, Վ. Խաչատրյանը¹⁵, Սակայն նրանք կամ հարցին մոտեցել են պատմարանասիրական քննարկումների դիրքերից, կամ էլ՝ նեղ մասնագիտական խնդիրների պարզաբանման առնչությամբ, հպանցիկ անդրադարձել են համալիրի առանձին կառույցներին: Նոր Վարագավանքի շինարարական ձևերի վերլուծությունը փորձել է տալ Գ. Սարգսյանը¹⁶, որը, սակայն, մակերեսային նկարագրություններից այն կողմ չի անցել, թույլ տալով զգալի վրիպումներ: Համալիրի առանձին հուշարձանները և դրանց որոշ արձանագրություններ սխալներով են ներկայացված Վ. Վանյանի հոդվածում¹⁷: Ս. Մնացականյանը իր «Հայկական գավիթների ճարտարապետությունը»¹⁸ աշխատության մեջ փոխհատվող կամարներով գավիթների առաջացման հարցերի կապակցությամբ նշել է նաև Նոր Վարագավանքի մեծ գավիթը, սակայն այն մասնավոր քննության չի ենթարկել: Վանքախմբի մասին համառոտ տեղեկություններ կան «Հայկական սովետական հանրագիտարանի» 8-րդ հատորում¹⁹, Գրաբարի լեզվական որոշ հարցեր և անձնանուններ ճշտելու համար համալիրի և նրա մի քանի արձանագրությունների մասին նշված է «Դիվան հայ վիմագրության» VI պրակում²⁰: Այս ամենը հիմք են տալիս պնդելու, որ քննվող հուշարձանախումբը ցայսօր պատշաճ մասնագիտական հետազոտության չի ենթարկվել:

Նոր Վարագավանքի վանական համալիրը բաղկացած է երկու եկեղեցիներից, կրկնահարկ տապանատնից ու մատուռից և երկու գավիթներից: Սրանցից՝ մոտ 100 մ հարավ-արևմուտք և 200 մ հյուսիս-արևմուտք պահպանվել են մեկական մատուռներ, որոնցից վերջինի շուրջ տարածված է միջնադարյան զորահամալիրները, Մինչև անցյալ դարի վերջերը վանքի շրջակայքում նկատվել են պարիսպների և միաբանների խուցերի ավերակները, իսկ գլխավոր եկեղեցու հյուսիսային ճակատին կցված է եղել մի մատուռ²¹: Համալիրը կա-

7 Մ ա կ ա Ր Լ ա Վ. Բ ա Ր խ ու տ ա Ր յ ա ն ջ, Արցախ, Բաբու, 1893, էջ 336—338:

8 Կ. Կ ո ս տ ա ն յ ա ն ջ, Վիմական տարեգիր, ս. Պետերբուրգ, 1913, էջ 75, 80:

9 Հ. Ն. Ա կ ի ն յ ա ն, Գարեգին արքեպիսկոպոս Հովսեփյան, Խաղարկյան կամ Պոռչյան հայոց պատմության մեջ, պատմահնագիտական ուսումնասիրություն (աճանդես ամսօրյա, 1929, էջ 445, տողատակի ծանոթությունը):

10 Կ ա Ր Ո Ղ ա ֆ ա դ ա Ր յ ա ն, Պատմահնագիտական դիտողություններ Նոր Բերդի Կյուրիկան լուխանության մասին («Տեղեկագիր» Արմֆանի, 1940, № 4—5, էջ 165—173):

11 Հ. Ա ճ ա ռ յ ա ն, Անձնանունների բառարան, Գ, Երևան, 1946, էջ 585:

12 Հ ա մ ա գ ա ն յ ա ն Ո ս կ յ ա ն, Արցախի վանքերը, Վիեննա, 1953, էջ 208—214:

13 Ս. X. Халпахчян, Двухабсидные базилики Армении (ՀՍՍՀ ԳԱ «Տեղեկագիր» (հաս. գիտ.), 1954, № 8, էջ 51—62, ն ու յ ի՝ Архитектура Армении («Всеобщая история архитектуры», т. 3, М.—Л., 1965, с. 260—261), ն ու յ ի՝ Санаин, М. 1973, с. 58.

14 Ս. Բ ա Ր խ ու դ ա Ր յ ա ն, Միջնադարյան հայ ճարտարապետներ և քարզործ վարպետներ, Երևան, 1963, էջ 48—51, 141:

15 В. А. Хачатурян, Полихромия в средневековой архитектуре Армении (ՀՍՍՀ ԳԱ «Լրաբեր», 1977, № 4, էջ 68, 73, 75):

16 Գ. Ս ա Ր գ ս յ ա ն, Անապատ կամ Նոր Վարագ վանքը և նրա վիմագրությունը (աճմիածին, 1952, սեպտեմբեր—հոկտեմբեր, էջ 21—29, նոյեմբեր—դեկտեմբեր, էջ 27—34):

17 Վ. Վ ա ն յ ա ն, Շամշադինի հուշարձան վանքերը (սեշմյաձին, 1980, ժԺ, էջ 49—50):

18 Ս. X. Мнацаканян, Архитектура армянских притворов, Ереван, 1952, с. 6, 15, 58, 60, 71 և այլն:


19 «Հայկական սովետական հանրագիտարան», հ. 8, Երևան, 1982, էջ 368—369:

20 «Դիվան հայ վիմագրության», պրակ VI, կազմեցին Ս. Ա. Ավագյան, Հ. Ս. Ջանփոլադյան, Երևան, 1977, էջ 116, 166, 183, 190:

21 Մ ա կ ա Ր Ե ա Վ. Բ ա Ր խ ու տ ա Ր յ ա ն ջ, նշվ. աշխ., էջ 336—338:

ուուցված է դեղնակապտավուն բաց երանգի տեղական ֆելզիտից, հավանաբար նկատի ունենալով բնության հետ ներդաշնակ կապ ստեղծելու հանգամանքը:

Անապատ վանքի եկեղեցին: Գտնվում է համալիրի հարավ-արևելյան կողմում: Հատակագծում ուղղանկյուն ($7,40 \times 5,14$ մ), միանավ, թաղակապ կառույց է (թաղն ամբողջովին քանդված է): Ներքուստ հյուսիսային և հարա-



Նկ. 1. Նոր Վարազավանք. համալիրի հատակագիծը:

վային պատերին կից են թաղակիր կամարը պահող մեկական կիսասյուների: Արևելյան մասում գտնվում է ավագ խորանը, որը միջանկյալ պատով բաժանված է երկու անհավասար բեմերի: Դրանցից յուրաքանչյուրը հետին՝ կիսաբոլորակ, պատին ունի մեկական լուսամուտ: Արևմտյան մասում միակ մուտքն է, որից վերև կա մի գեղեցկաձև պատուհան: Կառույցի ոչ մեծ ծավալը դրված է բազմաստիճան գետնախարսխի վրա՝ թելադրված տեղանքի պայմաններով: Այս եկեղեցին համալիրի առաջին շինությունն է: Նրա կառուցման մասին պահպանված հինգ շինարարական արձանագրություններից մեկը՝ մուտքի բարավորի վիմագրությունը, ունի թվագրում, ըստ որի եկեղեցին կա-

ոուցվել է 1198 թ., Կյուրիկյան Դավիթ իշխանի կողմից²²։ Մյուս շինարարական արձանագրությունը գտնվում է տապանատան մուտքի բարավորը եզերող շրջանակի վրա, նրանում թեև առաջինը հիշատակված է եկեղեցին, բայց թվագրումը վերաբերում է տապանատանը (1200 թ.)։ Եկեղեցու արևմտյան ճակատի հյուսիսակողմյան և մեծ եկեղեցու (ս. Աստվածածին) գլխավոր ջրամուտքի բարավորի վիմագրերում ևս նշված է, որ այն կառուցել է Դավիթ իշխանը։ Հաջորդ արձանագրությունը գտնվում է եկեղեցու մուտքից ձախ ագուցված խաչքարի վերին կամարածե մասում, որտեղ նշված է «Եկենսակիր Նշանի» կառուցման մասին։ «Ս. Նշան» հիշատակություն կա նաև մուտքի աջ կողմում գտնվող խաչքարի վերին մասում։ Եկեղեցու այդ անունը, հավանաբար, կապված է Վարագա ս. Նշանի հետ, որը նախքան գլխավոր եկեղեցու շինարարության ավարտը, անկասկած, պահվում էր այդտեղ։ Վանքախմբին անդրադարձած վերոհիշյալ հեղինակների մեծ մասը ս. Նշան է անվանել դրվախավոր եկեղեցին, սակայն մատենագրությունից հայտնի է, որ այն կոչվել է ս. Աստվածածին²³։

Հայ ճարտարապետության պատմության մեջ իրենց ներքին հորինվածքով առանձնակի հետաքրքրական են երկխորան եկեղեցիները։ Արևելյան կողմում մեկից ավելի բեմերի առկայությունը Հ. Խալիփախյանը բացատրում է երկու տարբեր սրբերի կամ աշխարհիկ մարդկանց նվիրված լինելու հանգամանքով և նման կառույցները դասում է մեմորիալ հուշարձանների շարքը²⁴։ Սակայն այդ ենթադրությունը չի կարող ընդհանրացվել բնավոր եկեղեցու համար, քանի որ այստեղ փաստացի տվյալներ կան կառույցի բնույթի և անվան վերաբերյալ։ Դավիթ Բագրատունու կառուցած շինություններից յուրաքանչյուրը որոշակիորեն ունի իր բնույթին համապատասխան անվանումը՝ տապանատուն, որն անսարակույս մեմորիալ կառույց է, և եկեղեցի՝ իր սովորական նշանակությամբ։ Երկխորան հատակաձևը XIII դ. հետո լայն տարածում չի գտել։ Պահպանված մի քանի օրինակներին՝ ս. Սիոն (Եղեգնաձորի շրջան, XIII դ.), ս. Հակոբ (Սանահին, XIII դ.), ս. Հովհաննիս (Գոշավանք, XIII դ.), երկու հատ՝ Եղիշ Առաքյալ (Ջրվտիկ) վանքում (ԼՂԻՄ) և Ապարանի շրջանի Զորագլուխ գյուղի մոտի եկեղեցու հատակաձևին²⁵, պետք է ավելացնել Շամշադինի շրջանի Այգեձոր գյուղից մոտ 1 կմ հարավ՝ Մինաս Թալա կոչվող հանդամատում, մեր հայտնաբերած կառույցը։ Սրա հատակագիծը (արտաքին չափերով) բավական մոտ է քառակուսուն (5,80×5,20 մ), որի հետևանքով ուղղանկյունաձև աղոթասրահի երկայնական առանցքը համընկել է հյուսիս-հարավ ուղղությունը։ Անապատի եկեղեցու աղոթասրահի ձգվածությունը արևելքից-արևմուտք է, որով այն տարբերվում է Մինասի Թալայի և ս. Սիոն ու «Հարություն եկեղեցիներից (վերջին երկուսի աղոթասրահները քառակուսի են²⁶)։ Ներքին տարածքի հիմնական շեշտված ծավալները բավական խորն ընկած խորաններն են։ Դրանցից աչքի է ընկնում հարավայինը, որն ունեցել է առաջնային նշանակություն։ Դա երևում է ինչպես նրա մեծ չափերից, այնպես էլ հարդարանքից։

Եկեղեցու ներքին տարածությունը կազմակերպող կարևոր տարրերից են երկայնական պատերի կենտրոններում կցված երեք քառորդ որմնասյուները։ Ժամանակին աչքի են դարձնել դրանց խիստ ինքնատիպ խոյակները, որոնցից այժմ փշրանքներ են մնացել։ Արտաքուստ եկեղեցին ոչնչով չի տարբեր-

²² Հ. Խ. Խալիփախյանը սխալմամբ այն թվագրել է XIII դարով («Санаин», с. 59, ЗУУՀ ԳԱ «Տեղեկագիր» (հաս. գիտ.), 1954, № 8, էջ 60)։

²³ Կիրակոս Գանակեցի, նշվ. աշխ., էջ 153։

²⁴ Օ. Խ. Халпахчьян, Санаин, с. 58 (ЗУУՀ ԳԱ «Տեղեկագիր» (հաս. գիտ.), 1954, № 8, էջ 53)։

²⁵ «Քաների Հայաստանի արխիվներ», 1983, № 2, էջ 144։

²⁶ ЗУУՀ ԳԱ «Տեղեկագիր» (հաս. գիտ.), 1954, № 8, էջ 60։

վում երկթեք ծածկով դահլիճային տիպի կառույցներից: Նրա երկայնական ճակատների մեծ մասը ծածկված է հյուսիսից և հարավից կից կառույցներով, իսկ երեացող հատվածները զուրկ են հարդարանքից: Հիմնական ուշադրությունը կենտրոնացվել է հկեղեցու արևմտյան ճակատի շքամուտքի և նրա երկու կողմերում պատերի մեջ ագուցված կամարածև շքեղազարդ խաչքարերի վրա: Կ. Ղաֆադարյանը, Լ. Աճառյանը և Ս. Բարխուդարյանը ձախակողմյան



Նկ. 2. Նոր Վարազավանք. համալիրի ընդհանուր տեսքը հարավ-արևելքից:

խաչքարից ներքև պահպանված «ԽԱՉՍ ԹԱՆՐԻՆ Է» վիմագրության մեջ նշված անձնանունը վերծանել են Թաար և նրան համարել խաչքարերի ու եկեղեցու մնացած քանդակների հեղինակը²⁷: Իսկ Ս. Ավագյանը գտնում է, որ այն Թաամար անվան կրճատ գրությունն է²⁸, որն ավելի հավանական է:

Արևմտյան ճակատի հարդարանքը մուտքից վերև ամբողջականանում է կողքերից զույգ կիսասյունիկներով մշակված և ճոխ պսակով ավարտված փոքրիկ լուսամուտով: Այն ներքևից վեր բարձրանալով աստիճանաբար նեղանում է՝ ճակատի վրա ստեղծելով վերձիգության պատկեր: Եկեղեցու արևելյան ճակատը այլ ճարտարապետական լուծում է ստացել: Այստեղ հորինվածքի ստեղծման մեջ էական նշանակություն ունեն խորանների լուսամուտները, որոնց շուրջը և կազմակերպված է ողջ դեկորը: Հարավակողմյան պատուհանը, արևմտյանի օրինակով, եզրերից ունի զույգ կիսասյուններ, որոնք արված են հատկապես մեծ խորանը շեշտելու նպատակով: Լուսամուտների կիսաշրջան գլխամասերն առնված են դրանց վերևում անցնող բարդ տրամա-

²⁷ Կարո Ղաֆադարյան, նշվ. հոդվ., էջ 169, Լ. Աճառյան, Անձնանունների բառարան, Բ. Երևան, 1944, էջ 261, Ս. Բարխուդարյան, նշվ. աշխ., էջ 141:

²⁸ Ս. Ա. Ավագյան, Վիմական արձանագրությունների բառարանություն, Երևան, 1978, էջ 91—93:


տավոր ընդհանուր գոտու մեջ, որը պատուհանների միջանկյալ մասում, միաձիգ հորիզոնականությունից խուսափելու համար, ձևափոխված է պսակաձև կիսաշրջանի: Պսակ-գոտու անմիջապես վերևով անցնում է եզան և կտցահարող թռչունների, նռնենու տեսքով կենաց ծառի, զամբյուղների, վարդակի և հավերժության նշանի պատկերներով քանդակաշարք, որն ունի գաղափարական որոշակի իմաստ²⁹: Անապատի եկեղեցին իր ճարտարապետական հարդարանքով և ծավալահատակագծային առանձնահատկություններով եզակի է հայկական նմանօրինակ կառույցների շարքում՝ հանդիսանալով դրանց հորինվածքի ձևատեղծման վերջին փուլերից մեկը:

Անապատիճ կից հուշարձանները: Փոքր չափերի այս երկու կառույցները կցված են Անապատ եկեղեցու հյուսիսային և հարավային պատերին: Դրանք պատկանում են երկհարկ³⁰ հուշարձանների դասին, որոնցում, սակայն, առկա են հորինվածքային մի շարք առանձնահատկություններ: Պահպանվել են կառույցների առաջին հարկերը, որոնք ուղղանկյուն հատակագծով, արևելյան մասերում բեմեր տեղադրված թաղակապ շինություններ են: Երկրորդ հարկերն ունեցել են կլոր հատակագծեր, որոնց թմբուկաձև և վեղարով ավարտված ծավալները ուղղակիորեն դրվել են առաջին հարկերի վրա: Սրանցից պահպանվել են միայն ստորին երկու շարքերը և նշմարելի են արևմտյան մասերում զբաղեցրած մուտքերի տեղերը: Հյուսիսակողմյան հուշարձանը կառուցել է Անապատի եկեղեցու մեկենաս Դավիթ Բագրատունին, 1200 թ.՝ որպես տոհմական տապանատուն: Տեղում կատարված ուսումնասիրություններից պարզվում է, որ այն սկզբնապես եղել է երկթեք ծածկով սովորական մատուռ, որի վրա մինչև 1220-ական թվականներն ընկած ժամանակամիջոցում դրվել է երկրորդ հարկաբաժինը (1220-ական թթ. յկսվել է կառուցվել մեծ եկեղեցին, որն անմիջապես մոտ է դտնվում տապանատան հյուսիսային ճակատին, իսկ վերջինիս վրա պահպանվել են ճակտոնի թեք բարձրացող քիվը և նրա հետքերը, ինչպես նաև դրանց հատող հորիզոնական քիվից մի հատված, որը վկայում է նաև հետագա ճակտոնավորման մասին): Արդեն վերջնականապես ձևավորված տապանատան ծավալատարածական հիմքի վրա կառուցվել է հարավակողմյան շինությունը: Պատմական աղբյուրներում վերջինիս ինչ լինելու մասին որևէ տեղեկություն չկա, սակայն կասկածից վեր է, որ դրա առաջացումը պայմանավորված էր նախ դործառական և ապա գեղարվեստական հարցերի լուծմամբ: Սկզբնապես, երբ գոյություն ունեին միայն եկեղեցին և տապանատունը, բնականաբար, պետք է կարիք զգացվեր օժանդակ սենյակների՝ սրբազան անոթների, ավանդների և այլ առարկաների պահպանման համար: Այդ նպատակին, հասկանալի պատճառով, չէր կարող ծառայել տապանատունը, որը թերևս միակ կառույցն էր, երկրորդ հարկի հավելման միջոցով, այդ պահանջը բավարարելու համար: Սակայն ներքուստ ընդամենը 30 սմ տրամագծով փոքր կառույցը լիարժեքորեն չէր համապատասխանում նշված պահանջներին և ընդարձակման նպատակով նրան համաչափ տեղադրությամբ, նույն օրինակով, կառուցվում է հարավակողմյան շինությունը, որով ամբողջականում է Անապատի եռակառույց համալիրը: Ելնելով հուշարձանների կառուցման հաջորդականությունից, կարելի է մոտավոր ճշտությամբ որոշել հարավակողմյան երկհարկ մատուռի կառուցման ժամանակաշրջանը: Ըստ այդմ այն կարող էր կառուցվել տապանատան կամ գլխավոր եկեղեցու շինությունների ավարտից հետո միայն: Հաշվի առնելով նրա հորինվածքային և կառուցողական անմիջական կապը տապանատան հետ, ինչպես և վերջինիս գործառական տեսակետից փոքր ծավալները, կարելի է ենթադրել, որ այն կառուցվել է տապանատնից հետո: Ամենայն հավանականությամբ, նրա մեկենասը ևս նույն Դավիթ Բագրատունին է, որը սկսել և այս կառույցով ավարտել է Անա-

29 Ա. Շ. Մ և ա ց ա կ ա ն յ ա ն, Հայկական զարդարվեստ, Երևան, 1955, էջ. 251—307:

30 Հուշարձանախմբին անդրադարձած հեղինակներից ոչ մեկը չի նկատել, որ այդ կառույցները կրկնահարկ են եղել:

պատի համալիրը: Քիչ է հստակացնել այն վարկածը, թե այս մատուռը կառուցել է Դավիթի որդին՝ Վասակը, քանի որ այդ դեպքում, որպես իր երախայրիք, նա կթողներ որևէ հիշատակություն: Բացի այդ, Անապատի եկեղեցու կիսանդժ կրկնագլուխ արձանագրության մեջ կա ՌԿԸ (1219) թվագիրը, որը վերկայում է, որ Դավիթը այդ ժամանակ դեռևս թագավորում էր, իսկ Վասակը մեծ եկեղեցու շինարարությունը սկսել է մոտավորապես 1220-ական թթ.:



Նկ. 3. Նոր Վարազավանքի Անապատ համալիրը հարավ-արևմուտքից:

Հասկանալի է, որ այդ ժամանակ իշխողն արդեն Վասակն էր, որը զբաղված էր գլխավոր եկեղեցու կառուցմամբ: Դժվար թե այդ պատասխանատու շինությունն ընթացքում, ինչպես և ավարտից հետո նա ձեռնամուխ լիներ մեկ այլ կառույցի իրականացմանը, քանի որ դրա կարիքն այլևս չկար: Իսկ եթե մի պահ ընդունենք, որ այն կառուցել է Վասակը, ապա այդ դեպքում կառույցի առաջացումը պետք է բացատրել զուտ գեղարվեստական տեսանկյունով, որն անընդունելի է, քանի որ «...կրոնական վարդապետությունները և ծեսերն ավելի դեր կկատարեն հատակագծերու համաշարժությանց և դասավորությանց մեջ, քան արվեստն ու ճաշակը»³¹: Թերևս, եթե Վասակը տապանատունը ընդարձակելու նպատակով կառուցեր դա որպես դամբարան, ապա նրա առաջին հարկարժանի ավելի մեծ շահերը պայմանավորված կլինեին այնտեղ նախատեսվելիք թաղումներով, որտեղ պետք է թաղվեին ինքը և իր կին Խաթունը (Վասակը սերունդ չի ունեցել)³²: Սակայն նրա հատակը ծածկված է 10—15 սմ հաստությամբ սալերով, և թաղումների հետքեր չեն նշմարվում: Ծեսավարար, քննվող երկհարկ մատուռը կառուցվել է Դավիթ իշխանի օրոք, XIII դ. առաջին մեկուկես տասնամյակի ընթացքում:

Տապանատունն հիշված կառույցում, որն առաջիմ հայտնի միակ կոթողային հուշարձանն է, ի սկզբանե թաղումներ նախատեսված չեն եղել: Թաղում-

31 Թ ո ռ ո Ս Թ ո ռ ա մ ա ն յ ա ն, Նյութեր հայկական ճարտարապետության պատմության, Երևան, 1942, էջ 120:

32 Կ ա ռ Ո Ղ ա Ֆ ա ղ ա ռ յ ա ն, Նշվ. հոդվ., էջ 172:

ները իրականացվել են համալիրի հուշարձանների ճակատային կողմերում, որ պահպանվել են եղծված արձանադուրբյուններով մի քանի տապանաքարեր (դրանք, անկասկած, պատկանում են Կյուրիկյանների տան ներկայացուցիչներին)։ Այս համոդման հանգվել բացատրվում է տապանատան փոքր ծավալով և համալիրի հյուսիսային, հարավային ու մասամբ արևելյան ճակատների մոտ տեղանքի ոչ հարմարացված դիրքով։ Հավանաբար, տապանատունը ծառայել է հուղարկավորությունների համար, որպիսի օրինակներ ունենք միջնադարյան (նաև ժամանակակից) հանգստարաններից։ Նկատենք նաև, որ 555 թ. Դվինի 2-րդ ժողովի որոշումներից մեկով արգելվել էր եկեղեցիներում թաղումներ կատարել³³, իսկ դիտարկվող կառույցում առկա է դրա կարևորագույն տարրը՝ արևելյան բեմը, որից բխում են նրա պաշտամունքային գաղափարները։ Այն, ըստ Սահակի կանոնների, ի վերջո, ծառայում է այն նույն նըպատակին, որն առարկայացված է եկեղեցի, վանք, մատուռ և այլ հասկացությունների մեջ³⁴։ Տվյալ դեպքում տապանատունը շինք կարող դասել կրկնահարկ դամբարան-եկեղեցիների շարքը, քանի որ, ինչպես պարզվեց, նրա երկրորդ հարկը հետո է ավելացվել և, բացի այդ, մեզ հայտնի դամբարան-եկեղեցիներում առաջին հարկաբաժինները, որոնք զուրկ են բեմերից, նախատեսվել են թաղումների համար, իսկ երկրորդ հարկերը ծառայել են որպես եկեղեցիներ։

Անապատի եռակառույց համալիրի հուշարձաններն իրենց մասնաճյուղներով անբաժանելիորեն շաղկապված են միմյանց հետ։ Դրանք արտահայտված են ինչպես նրանց առաջին հարկերի մուտքերի և վերջինների շրջակա հարդարանքների, այնպես էլ ողջ ուրվապատկերային լուծման մեջ։ Այս համակառույցի հորինվածքային որոշումներում էական դեր են խաղացել դեռևս վաղ միջնադարում արմատավորված շինարարական որոշակի սկզբունքներ։ Դա Թորամանյանի խոսքերով սոսաժ՝ հայ ճարտարապետության սեփականությունը հանդիսացող լուսավորչական դժն է³⁵, երբ որոշ կառույցների (ենթադրաբար Մայր Տաճարի³⁶, Ավանի³⁷) անկյունային սենյակները կամ սյունասրահների (Տեկորի³⁸) եզրային անկյունները ավարտվում էին աշտարակաձև սրածայր ծավալներով։ Պահպանելով իր սկզբնական հորինվածքային հատկանիշները, այդ սկզբունքը ավանդաբար փոխանցվել և ճարտարապետական նոր մեկնաբանություններով վերարտադրվել է զարգացած միջնադարի մի շարք կառույցներում՝ Անիի Առաքելոց եկեղեցում, Հոռոմոսի հաղթականարում, Տեղերի և Մոսվյանի վանքերում, Զաքարյանների դամբարանում։ Դրանցից, ընկնող հարցի առնչությամբ, արժանահիշատակ է Սանահնում գտնվող Զաքարյանների դամբարանը (ենթադրվում է, որ ի սկզբանե այն պատկանել է Կյուրիկյաններին³⁹), որն իր ուրվապատկերային լուծմամբ մոտ է կանգնած Անապատի հուշարձանախմբին։

Ի մի բերելով վանական համալիրի մասին շարադրվածը, նշենք, որ թեև այն կառուցվել է հաջորդաբար (թեկուզև կարճ ժամանակամիջոցում), այդուհանդերձ, ճարտարապետական մի կուռ ամբողջականություն է, որի կառուցողական և հորինվածքային բացառիկ հատկանիշներում ի հայտ են եկել մեր շինարար նախնայաց ստեղծագործական ձիրքերը։

33 Ն. Վ. Մ և լ ի բ ս ի թ-Թ ան գ յ ա ն, Հայոց եկեղեցական իրավունքը, Շուշի, 1903, էջ 381—382։

34 Նույն աղբյուր, էջ 427։

35 Թ ո ռ ո ս Թ ո ռ մ ա ն յ ա ն, Նշվ. աշխ., էջ 288։

36 Թ. Թ ո ռ մ ա ն յ ա ն, էջմիածնի տաճարը, Թիֆլիս, 1910, էջ 19—20։

37 Տ ի ռ ա ն Մ ա ռ ո թ յ ա ն, Ավանի տաճարը, Երևան, 1976, էջ 30—32։

38 է. Մ և լ ի բ յ ա ն, Տեկորի տաճարի արտաքին սյունասրահը (սփյուռքյուն և տեխնիկա), 1979, № 4, էջ 39—43 յ։

39 О. Х. Х а л п а х ч ья н, Проблемы истории и культуры народов СССР («Сборник научных трудов», № 4, М., 1977, с. 16—20)։

Ս. Աստվածածին եկեղեցին: Համալիրի զլխավոր կառույցն է, որն իշխող տեսք ունի ինչպես հուշարձանախմբում, այնպես էլ շրջակա միջավայրում: Այն տեղադրված է համակառույցի հյուսիս-արևելյան մասում: Եկեղեցին դրսից ուղղանկյուն (10,25 × 15,40 մ), ներքուստ խաչաձև հատակագծով գմբեթավոր դահլիճ է: Նրա կառուցման վերաբերյալ պահպանվել են արժեքավոր երկու հիշատակություններ: Դրանցից առաջինը, որը հավանաբար վերաբերում



Նկ. 4. Անապատի եկեղեցու հյուսիսակողմյան խաչքարի վերի քանդակներից:

է կառուցման սկզբնական շրջանին, արձանագրված է արևմտյան մուտքի շրջանակի վերին հորիզոնական գոտում և կրում է 1224 թվականը⁴⁰, իսկ նույն մուտքի բարավորին պահպանված ընդարձակ վիմագրության մեջ նշված է, որ եկեղեցու կառուցումն ավարտվել է 1237 թ.: Երկու արձանագրություններում էլ հիշատակված է, որ եկեղեցին կառուցել է Դավիթ իշխանի որդի Վասակը: Օժումը տեղի է ունեցել 1240 թ., որի, ինչպես և նրա ս. Աստվածածնին նվիրված լինելու մասին իմանում ենք Կիրակոս Գանձակեցուց. «...Եւ եղև աւարտումն եկեղեցոյն, որ օծաւ և կնքեցաւ յանուն սրբոյ Աստվածածնի ի ՈԶԹ (1240) թուականին հայոց»⁴¹ վկայութիւնից: Եկեղեցու ուշ օծման հանգամանքը պետք է կապել մոնղոլական ավերիչ արշավանքների հետևանքով Հայաստանում ստեղծված քաղաքական բարդ իրադրութիւնների հետ:

Եկեղեցուն վերաբերող երկու անուղղակի հիշատակութիւններ են պահպանվել Ղուկաս վարդապետի՝ ներքուստ հյուսիսային պատի, և Հայրուտի՝

⁴⁰ Արձանագրութիւնները մասամբ հրատարակել են Կ. Ղաֆադարյանը (նշվ. հոդվ., էջ 167—169, 171—173) և Գ. Սարգսյանը (նշվ. աշխ., էջ 27—34): Թվագրման մեջ հարյուրամորթը և տասնամորթը եղծված են, պահպանվել է միայն ...Գ. Կ. Ղաֆադարյանը այն թվագրել է 1235 թ. (ՈԶԳ), որն անհավանական է: Գ. Սարգսյանը իրավացիորեն այն համարել է 1224 թ. (ՈԶԳ), որը համապատասխանում է եկեղեցու կառուցման սկզբնական շրջաններին (թերևս այդ ժամանակ ավարտվել էր շքամուտքի կառուցումը):

⁴¹ Կիրակոս Գանձակեցի, նշվ. աշխ., էջ 153:

մեծ գավթի հարավային դռան բարավորի վրա առկա արձանագրություննե-
րում, որոնցում նշված է, որ այն կառուցվել է տեր . Հովհաննեսի ձեռնադրու-
թյամբ: Այս փաստը հիմք է հանդիսացել որոշ հեղինակների համար Հովհան-
նեսի համարելու եկեղեցու կառուցող ճարտարապետը: Սակայն այդ կարծի-
քը ժխտվում է վերջերս տողերիս հեղինակի հայտնաբերած և ցայսօր չընթերց-
ված մի արձանագրությամբ, որը գտնվում է ավագ խորանի գմբեթարդը եզ-
րափակող կիսաշրջանաձև քարի վրա հարթաքանդակված խաչի երկու կողմե-
րում: Արձանագրությունը հետևյալն է. ԱՆՆՑԻ ՎԱՐՊԴԵՏ ԳԱԶԱՆ, Գաղան ա-
ռուճով ճարտարապետի մասին հիշատակություն կա Կարսի բերդի աշտարակ-
ներից մեկի վրա: Ձի բացառվում, որ նա և նոր Վարազազմանքի արձանագրու-
թյան մեջ նշված Գաղանը նույն անձնավորությունը լինեն: Նրանց գործունեու-
թյունների թվականները համընկնում են: Կարսի արձանագրության մեջ նշը-
ված է. ՄԻԹԱՐԻԶ ԳՐԻԶ ԵՒ ՆԿԱՐԻԶ ՈԶԳ (1244) ՏԷՐ ԱԾ ԶԱԽԱՅՈ ԶԹԱ-
ԳԱԻՐՆ ՄԵՐ Ի ՎԵՐԱ ԷԱԶԳԵՅ, ԿԱՏԱՐԵՑԱԻ ԲՐԶՆԵՐՍ ՁԵՌԱՄԲ ԸՆԶԿԱՆՆ
ԳԱԶ(Ա)ՆԻՆ ԵՒ ՈԼՏԻՆ⁴²:

Ս. Աստվածածին եկեղեցու անկյուններում տեղադրված են չորս կրկնա-
հարկ ավանդատներ, որոնք շեշտում են նրա ներքին խաչաձևությունը: Արև-
մուտյան ավանդատների 2-րդ հարկերը բարձրանում են տակից շթաքարե մը-
շակումներ ունեցող բարձակալին աստիճաններով: Սրանց լուսամուտները
բացվում են եկեղեցու ներսում: Ավանդատների աղոթասրահին նայող անկ-
յունները արված են կիսագլանաձև պարզ սյուների տեսքով, որոնք ավագ խո-
րանի կողքերից բարձրացող նման կիսասյուների հետ կազմում են թմբուկա-
տակ կամարների հենարանները: Անցումը քառակուսի հիմքից կլոր հատակա-
դժով թմբուկին իրականացված է առաջաստային փոխանցումներով: Եկեղե-
ցին ունի երկու մուտք՝ արևմտյան և հարավային, որոնք համապատասխանա-
բար բացվում են այգ ճակատներին կցված գավթիների մեջ: Ներքին տարածու-
թյունը լուսավորվում է վերեներում վարդյակավոր, հեռանկարային ձևեր ու-
նեցող, արևելյան կողմում զույգ, իսկ մնացած ճակատներին՝ մեկական պա-
տուհաններով:

Եկեղեցին ներքուստ ունի ճարտարապետական զուսպ հարդարանք: Բա-
ցառություն է կազմում ավագ խորանի ետին պատը, որի խորշերի եզրակալ-
ներն ունեն հլուսվածքային բարդ մշակումներ, մնացած մասերում առկա են
քանդակային պարզ տարրեր: Դրանք գլխավորապես հարթաքանդակային
խաչերի կամ խորանների ձևերով պատկերված են ավանդատների մուտքերի
բարավորներին, բեմի ճակատին և ալ մասերում: Կատարյալ տեսք է ստացել
արևմտյան մուտքից վերև գտնվող զարդաքանդակը, որը գլանիկով զանազան
ձևավորումներ ու հանգուցակերպ լուծումներ ստացած մի ամբողջական պսակ
է՝ դրված մուտքի վրա: Բեմի ճակատային մասը զարդարված է զույգ կիսա-
սյուներով և դրանք միմյանց կապող որմնակամարներով: Այդպիսով բեմի ճա-
կատը բաժանված է ութ խորանաձև մասերի: Ներքին որմերի անկյուններով
բարձրանում են կիսագլանիկներ, իսկ խաչքների թաղածակերի տակով և խո-
յակների մակարդակով անցնում են դրանց տրամատը կրկնող քիվեր: Վերջին-
ներս հորիզոնական ջլատումներով անցումնային կապեր են ստեղծում ուղղա-
հայաց պատի և թագի միջև:

Ս. Աստվածածինը արտաքուստ ունի ինքնատիպ ճարտարապետական լու-
ծում՝ հագեցված բարձրարվեստ և բազմաբովանդակ հարթաքանդակներով:
Առանձնապես հետաքրքրական է նրա արևմտյան ճակատը, որի վրա բացված
ճոխ շրջանակով մուտքը բացառիկ տեղ է գրավում հայկական կառույցների
շքամուտքերի մեջ: Եզրային մասերով ներառված բարդ տրամատավոր ուղ-
ղական շրջանակն և բուն մուտքի միջանկյալ ամբողջ տարածությունը լը-
րացված է կանաչավուն և կարմրավուն քարերի որոշակի համադրմամբ զար-
դաքանդակներով, որոնց հորինվածքի հիմքում ընկած է խաչապատկերման

սկզբունքը: Շեղաձև և քառաթև աստղանման քարերի համակցություններով ստացված մասնատումները հաղթահարվում են դրանց բարձրարվեստ հարթաքանդակների և գունային ընտրության կատարյալ լուծումներով: Դրանցում ներկայացված են բուսականական և երկրաչափական բազմատեսակ պատկերաքանդակներ՝ ոճավորված կենաց ծառեր, մարդկային գլխով կենդանականրա ֆիգուրների մեջ պատկերված տոտեմ կենդանիներ, թռու-



Նկ. 5. Գլխավոր եկեղեցու արևմտյան շքամուտքի քանդակներից:

շուններ և ալլն, որոնք վաղագույն ժամանակներից հայկական զարդարվեստում հանդես են եկել որպես բեղմնավորման, պտղաբերման և ընդհանրապես կյանքի հավերժությունը խորհրդանշող գաղափարներ⁴³: Բովանդակությամբ դրանցից անբաժանելի են վերին գոտու կտակարանային թեմաներով քանդակները, որոնցում պատկերված թևատարած հրեշտակը, լուսապսակով սուրբը, խաչելության հինգ ֆիգուրներից բաղկացած տեսարանը, վերջինիս աջ և ձախ կողքերի ծավալով դուրս եկած զարդագիրը՝ ՅՍ և ՔՍ մակագրություններով և սարբեր խաչապատկերներ հանգեցնում են կյանքի գոյի վերաբերյալ նույն գաղափարական մեկնաբանությանը:

Շքամուտքի ընդհանուր հորինվածքի, ինչպես և առանձին մանրամասների մեջ առկա է Անիում XII դ. ծնունդ առած նշանավոր կառույցներից մեկի՝ Պարոնի պալատի շքամուտքի ազդեցությունը, որն իր կնիքն է դրել աշխարհիկ կառույցների վրա (Անիում գտնվող Սարգսի պալատ XIII դ., հյուրանոց XIII դ.): Այդ սկզբունքի կիրառումը նոր վարագավանքում, արդեն եկեղեցական կառույցի վրա, բնականաբար, ինչ-որ չափով նոր բովանդակություն է ստացել՝ գլխավորապես թեոստական նշանակությամբ, որին համապատասխանում են վերը հիշատակված ավետարանական թեմաներով արված պատկերաքանդակները (Հայաստանի հյուսիս-արևելյան և հյուսիսային մասերում գտնվող մյուս վանքերից ձևավոր քարերով հավաքված նման հարդարանք հի-

43 Ա. Շ. Մ ն ա ց ա կ ա ն յ ա ն, նշվ. աշխ., էջ 251—368:

շեցնող մոտիվներ ունեն Հին Գետիկի (XII դ.) և Մշակավանքի (XIII դ.) եկեղեցիների շքամուտքերը)։ Անիի ճարտարապետական դպրոցի աղբյուրներն ակնհայտ են նաև եկեղեցու արտաքին հարդարանքի մանրաքանդակներում։ Արևմտյան ճակատի պատուհանի վերին հորիզոնական մասը լրացված է արշամազիյների շարքով, որոնք փոքր տարբերություններով հիշեցնում են Անիի Առաքելոց եկեղեցու նմանատիպ քանդակային ձևերը։ Այդ ընդհանրությունները բացատրվում են ճարտարապետ Գազանի Անիից հրավիրված լինելու փաստով։ Նրա կառուցողական որոշ սկզբունքներ իրենց արտահայտությունն են գտել Նոր Վարագի գլխավոր եկեղեցու նշված հանգույցներում, որով բացահայտվում են Անիի ճարտարապետական դպրոցի հետ այս եկեղեցու ընդհանրությունների ակունքները⁴⁴։ Կառույցի գլանաձև բարձրադիր թմբուկը և սլացիկ դմբեթը գեղեցիկ համաչափություն են ստեղծում մնացած ծավալների և ողջ համալիրի հետ։ Քանդակներից ազատ թմբուկի մակերևույթն ընդհատված է չորս ձիգ պատուհաններով։ Հետաքրքիր է, որ շեշտվածությամբ համար ժամանակին դրանց երեսակալները ներկված են եղել կարմիր գույնով։ Լուսամուտներն իրենց պարզ շրջանակներով և դրանց վերևներում ավարտվող հավերժության նշաններով ու խաչքարերով թմբուկի միակ հարդարանքն են։ Եկեղեցու արևելյան և հյուսիսային ճակատները մշակված են երկուսական գեղեցիկ խորշերով։ Արևմտյան և արևելյան ճակատներում գետնախարիսխների գլանաձև մասերը զուգավորվելով, ուղղահայաց վերև են բարձրանում՝ կենտրոնական մասերում շրջանցելով շքեղ երեսակալներով լուսամուտները և դրանց վերևներում եզրափակվում են խաչքարով (արևմտյանում աժմ պահպանվել է նրա շրջանակի ստորին մասը) և խաչով (արևելյանում), որի թևերը, իրենց հերթին, փոքրիկ խաչերի են վերածված։ Չնայած վերնագ համաչափությունների (բարձրությունը մինչև գմբեթի ծայրը 25 մ է), եկեղեցին իր ծավալատարածական և գունային լուծումներով ներդաշնակ է Անապատի փոքրաչափ հուշարձանների հետ՝ ստեղծելով համալիրի ինքնատիպ կերպարը։

Փսփր գավիթ⁴⁵։ Գլխավոր եկեղեցուց հետո, ըստ կառուցման հերթականության, հաջորդ շինությունը փոքր գավիթն է։ Այն տեղավորված է գլխավոր եկեղեցու հարավային ճակատի արևմտյան մասում (սրա և եկեղեցու արևմտյան ճակատները միևնույն հարթության վրա են) և իր մեջ ներառում է Անապատի երեք հուշարձանների արևմտյան ճակատները։ Պատմական աղբյուրներում այս գավիթի մասին հիշատակություններ չեն պահպանվել։ Միայն գլխավոր եկեղեցու և մեծ գավթի որոշ թվակիր արձանագրություններից կարելի է եզրակացնել, որ այն կառուցվել է 1237—1261 թթ. ընթացքում (1261 թ. արդեն ավարտվել էր մեծ գավթի շինարարությունը)։ Նկատի ունենալով, որ նշված ժամանակամիջոցում կառուցվել է նաև մեծ գավիթը և երկուսի շինարարությունը միասին տևել է ավելի քան 20 տարի, դրա ծանրակշիռ մասը պետք է վերագրել մեծ գավթին։ Հետազոտություններից պարզվել է, որ եկեղեցու թմբուկում և փոքր գավթի տարբեր մասերում պահպանված որոշ նշաններ պատկանում են միևնույն շինարար վարպետին։ Հետևաբար, կարելի է ընդունել, որ փոքր գավթի շինարարությունը սկսվել է գլխավոր եկեղեցու կառուցման ավարտից ոչ շատ ուշ, հավանաբար նրա օծումից հետո և տևել է 5—6 տարի։ Փոքր գավթից ավերակ վիճակում պահպանվել են նրա արևմտյան պատը մուտքով և երկու որմնասյուներով, ինչպես և՛ երդիկի տակի ճոխ, բարդ տրամատաձև քիվի մի մասը։ Անապատի եկեղեցու վրա հազիվ նկատելի են երկու, իսկ գլխավոր եկեղեցու պատին մեկ որմնասյունների հետքեր։ Վերջինիս դիմաց պահպանվել է հարավային որմնասյան խարիսխը։ Նախնական ուսումնասիրությունները հանգեցնում են այն ենթադրության, որ

⁴⁴ Այս հարցի հետ ուղղակիորեն առնչվում է այն հանգամանքը, որ Վասակի կին Խաթունը Անիի Մեծ Հեղուք Վահրամի դուստրն էր (Կարո Ղաֆազարյան, նշվ. հոդվ., էջ 172)։

⁴⁵ Ս. Խ. Մնացականյանը այս գավթին չի անդրադարձել։

գավիթը կենտրոնական մասերում ունեցել է երկու սյուն: Այս դեպքում այն պետք է դասել Հայրավանքի և Շխմուրադի գավիթների շարքը⁴⁶, նրդիկի պահպանված հատվածներից պարզվում է, որ կառուցողների խնդիրն է եղել սահմանափակ չափերի մեջ տեղափոխել նրա բարձրությունը՝ Անապատի համալիրի հետ որոշակի հարաբերակցություն ստեղծելու նպատակով, ուստի երդիկը և ծածկը պահող կամարների համար միայն որոշակի շառավիղներ են ընտրվել: Դրանից բխում է նրա ներքին հորինվածքը, որի հիմնականաբար հանդիսացող միջանկյալ սյուները, արևմտյան զույգ որմնասյուների միջև եղած հեռավորության չափով, տեղաշարժվել են դեպի արևելք: Հատակագրվածում գավիթը հյուսիսից հարավ ձգված ուղղանկյուն է (8×10 մ): Դրանով այն տարբերվում է Հայրավանքի և Շխմուրադի գավիթներից, որոնց հատակագծերը մոտ են քառակուսուն:

Մեծ գավիթ: Համալիրի վերջին կառույցը մեծ գավիթն է, որը կից է գլխավոր եկեղեցու արևմտյան ճակատին: Սրա հարավային պատի արևմտյան եզրում բացված մուտքի բարավորի 1261 թ. արձանագրության մեջ հիշատակված է Հովհաննես Տուեցու անունը, որը վախճանվել է 1263 թ.⁴⁷: Նկատի ունենալով, որ այս գավիթը կառուցվել է փոքր գավթից հետո, կարելի է ընդունել, որ նրա շինության ժամանակաշրջանը սահմանափակվում է մոտավորապես 1245—1246 և 1250-ական թվականների երկրորդ կեսով: Մեծ գավիթը, որի հատակագիծը գրեթե քառակուսի է ($13,50 \times 13,20$ մ), երկու զույգ փոխհատվող կամարներով իրականացված կենտրոնական կառույց է: Այն իր տեսակի գավիթների մեջ (խորակերտի, Դեղձնուտի, Ուշիի, Առաքելոցի, Բարդուղիմեոսի վանքերի գավիթներ⁴⁸) խոշորագույնն է, որի ընդարձակ թռիչքը ծածկվել է առանց միջանկյալ սյուների օգնության: Ներսի կողմում, յուրաքանչյուր պատին կից, ուղղանկյուն կտրվածքով որմնասյուները տեղաշարժված են դեպի պատերի անկյունները: Դա պայմանավորված է եկեղեցու արևմտյան շքամուտքի քանդակազարդ երեսակալը չծածկելու հանգամանքով: Որմնասյուներից ձգվող կամարները փոխհատումներով կառույցը մասնատել են ուղղանկյունաձև հատվածների, որոնցից երդիկի համար նախատեսված կենտրոնականը եղել է քառակուսի ($5,0 \times 5,0$ մ) և ամենամեծը մնացած կողային դասերի նկատմամբ: Ի տարբերություն մյուս նույնանման գավիթների, ալյտեղ ներքին պատերը վերեններում չեն եղրավորված կամարաձև բաժանումներով, որոնք որմնասյուների միջանկյալ մասերում առաջանում են գնդային մակերևութի մաս կազմող ծածկերի և հարթ պատերի հատումներից: Ալյտեղ հարցի լուծմանը մոտեցել են այլ սկզբունքով՝ ներքին պատերն ավարտվում են հորիզոնական ուղղաձիգ քիվերով: Պատերի կենտրոնական բաժինների վերին անկյուններն ունեն հառաջակարկառված շթաքարային մշակումներ: Սրանք քիվերի հետ հատակագծում ստեղծում են աղեղնաձև հիմքեր (դրանց շառավիղները հավասար են փոխհատվող կամարների շառավիղներին), որոնց վրա հանգել են կողային կենտրոնական դասերի երկկոր թաղերը: Գավթի մնացած չորս անկյունները ծածկված են եղել հատվող թաղերով: Կառույցը արտաքուստ զուրկ է հյուսիսային և մասամբ արևմտյան ճակատներից, քանի որ այդ մասերով այն կցված է բուսապատ ժայռերին: Բացի երդիկից, որպես լուսավորության աղբյուր են ծառայել նաև հարավային ճակատի պատուհանը և դուռը: Գավիթն ունի երկրորդ մուտք՝ բացված նրա արևելյան ճակատի հյուսիսային կողմում: Իր տեղադրությամբ դա եզակի դեպք է հայկական բոլոր շրջանների վանքային համալիրների համար:

Մատուռներ: Համակառույցի մեջ է մտել նաև գլխավոր եկեղեցու հյուսիսային ճակատի արևմտյան եզրում կցված մատուռը, որի մուտքը բացվել է մեծ գավթի մեջ: Այն ներկայումս գոյություն չունի (անցյալ դարի 80-ական

46 Ս. Խ. Մ ն ա ց ա կ ա ն յ ա ն, նշվ. աշխ., էջ 15:

47 Վ ա ր դ ա ն Վ ա ր դ ա պ ե տ, նշվ. աշխ., էջ 153—155:

48 Ս. Խ. Մ ն ա ց ա կ ա ն յ ա ն, նշվ. աշխ., էջ 15:

թվականներին մատուլը խարխուլ, սակայն կանգուն է եղել⁴⁹։ հավանաբար այն եկեղեցուն է կցվել ուշ միջնադարում)։

Վանքից հարավ-արևմուտք գտնվող մյուս մատուլը ուղղանկյուն հատակագծով, թաղակապ, հրկթեք ծածկով կառույց է։ Արևելյան մասում ավագ խորանն է, որի կիսակլոր ետին պատին գտնվում է միակ լուսամուտը։ Արևմտյան մասում բացված է քանդակագարդ շրջանակով մուտքը։ Չունի արձանագրություններ և չի հիշատակված մատենագրության մեջ։ Ճարտարապետական ձևերով և հարդարանքով սա նման է XIII դ. համանման կառույցներին։

Նույն ժամանակաշրջանով պետք է թվագրել նաև համալիրից հյուսիս-արևմուտք գտնվող միջնադարյան գերեզմանատան մատուլը, որն աչքի է ընկնում իր փոքր շափերով և հետաքրքիր դեկորով։ Այժմ ավերակ վիճակում է։

Համալիրում ինժեներական միջոցառումների և շինությունների կառուցման մասին արժեքավոր արձանագրություններ են պահպանվել Անապատի եկեղեցու և առանձին կանգնած մի խաչքարի վրա։ Ըստ գրանց, ոմն Հաղարդեղ քար է կրել եկեղեցու կառուցման համար, իսկ Շառան ջուր է պարգևել վանքին։

Ամփոփելով նշենք, որ Անապատը կամ Նոր Վարագավանքն իր առանձնահատկություններով և համալիրի գերազանց ավարտվածությամբ հայկական միջնադարյան համակառույցների շարքում իր կայուն տեղն է զբաղեցնում։ Նրա արժանիքները պայմանավորված են ոչ միայն շինարվեստի ընդհանուր ունեցած ինքնատիպ ոճերով և բարձրարվեստ ճարտարապետությամբ, այլև որմերին պահպանված եզակի արձանագրություններով, որոնցով լուսաբանվում են մատենագրության մեջ տեղ չգտած հայոց պատմության կարեւորագույն գրվագները։

АРХИТЕКТУРНЫЙ АНСАМБЛЬ НОР ВАРАГАВАНКА

ГРАЧЬЯ КАРТАШЯН

Резюме

Один из уникальных архитектурных ансамблей средневековой Армении—Нор Варагаванк находится в Шамшадинском районе близ села Варагаван. В своё время он являлся духовным центром могучего княжества Ваграмидов. Монастырь был основан и построен в XII—XIII вв. последними представителями Кюрикидов Давидом II и его сыном Васак. Ансамбль имеет своеобразный архитектурный стиль, редко встречающееся в средневековом армянском зодчестве планировочно-объёмное решение и конструктивные особенности. В отдельных частях главной церкви прослеживается влияние анийской архитектурной школы. Это объясняется тем, что архитектором сооружения был Газан из Ани.

⁴⁹ Մակար եպ. Բարխուտարյանց, նշվ. աշխ., էջ 338։